



ハ 6
190
19



明八
號 190
19



文帝全書外函卷三十六之三十七

目錄

治瘟寶錄序

三十六卷治瘟寶錄上

內符篆二十四

三十七卷治瘟寶錄下

內符篆二十

治瘟寶錄大洞清河老人授分二卷

文帝全書外函卷三十六

大洞治瘟金錄序

元始天王。授以大洞金錄。驅治瘟鬼之法。以救末世之人。不罹天枉。俾躋壽域。其仁民愛物之心。盛矣。予之二親。皆歿於疫。每念瘟瘴。爲崇憾。嘗切齒。但幽冥路隔。力不能報。比因墳岍迴流。實因元始金像之力。於是朝夕益勤。持誦大洞仙經。而敬事之。俱獲靈佑。又三年。忽夢所事金像。語予曰。大洞仙經。爾熟記矣。大洞法錄。爾未見也。今當授汝。以治邪魔。非惟可以契汝初心。亦可佐

天行化助國救民。爾其勗諸。乃袖中出書二卷。予拜而受之。既覺。書在枕邊。其一曰大洞法。其二曰大洞錄。因開書讀之。至天騶甲卒一萬人。兵丁度之句。忽風雷晝晦。金甲朱紱者無數。立於予前。俯而請命。一神人持紅旗。立於衆先。白於予曰。願聽使命。予方恍惚。不覺厲聲謂之曰。吾要汝等治瘟鬼。此鄉某家。闔門病瘟。爲吾驅來。語畢。一持紅旗者。領百餘人入某宅。俄頃之間。執鬼使五人。有蒙虎皮者。冠雄雞者。若烏鴉者。若驢頭者。若兔像者。所執各有水火羽翳斧鑿之具。予怒而叱之。將

滅其形。彼乃有詞曰。弟子張元伯等。歲運所生。歲氣所成。所遊有方。所病有人。陰譴重者。受其災。天命絕者。至於死。非弟子者。敢私害於衆。若蒙真官。賜以寬貸。自後願聽約束。遇行瘟處。見真官符籙所在。卽不敢至矣。予因依法。授以符篆而去。嗣凡閭里有病瘟者。施與符法。皆得全活。因以此法籙救人。遠方士庶。踵門求治者。不可勝數。予積立功妙行。皆賴得此大洞祕法。故能全收神功。立正除邪。濟生度死。消災延壽。其後冥冥中有大力鬼神。廟社英靈。來求予誦經回施者。皆謝云。乘真官

經力增助威德。遷神善籍矣。若遇天行時疫。侵染不止。但行此法中。遣瘟符。止瘟符。差遣天驕甲卒大將以上。收瘟食瘟吏。收毒食毒吏。收邪食邪吏。收氣食氣吏。收鬼食鬼吏。收殃食殃吏。收精食精吏。治病神醫吏。誅邪破廟吏。九部各領甲卒。及北方黑騎天官五億萬騎。蒼老麻姑。金剛力士。收捕之神。先牒年王次申岱嶽。分委城隍社令。劄遣五瘟使者。倘聞經法。不依盟約。拒正不伏。追散者。然後奏而滅之。夫大道慈悲。太清尚善。上帝好生。推仁止殺。持法錄者。不可拘私苛暴。以招天譴。但

以禮送之。以經奉之。以法篆治之。以善功勸之。亦方便修行之捷徑也。行此大洞祕法之士。宜在詳酌。以立立功。予以此法。救人疾痲衆矣。其有染疫癘者。着邪崇者。受瘧疾者。逢殃鬼者。遭鬼擊者。犯災凶者。遇妖纏者。遇惡鬼者。得此符法。一一全活。詩曰。雙親之死。爲瘟災。切骨含冤。痛且哀。生育恩隆。情不匱。幽冥路隔。憤難開。兵神執崇。明中現。法錄真傳。夢裡來。落筆神符。救民瘼。豈容五鬼。暫徘徊。九天開化。七曲文昌。嗣祿宏仁。靈應帝君張撰

文帝全書外函卷三十六

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐柱生校定

文昌大洞治瘟寶錄上

大洞法中師派

浮黎无始玉清元始天王金闕上帝

大洞祖師太玄道父牛孳先生真君

九天輔元開化文昌嗣祿宏仁帝君

大洞祖師玄一真定光真人

大洞祖師玄二鬱羅翹真人

大洞祖師玄三光妙音真人

東華青童道君

扶桑山暘谷真君

太素三宸元君

青城山九天丈人儲福定命真君

廬山九天採訪使應元保運真君

西城總真王元真君

小有山太素清虛真人

南山司命紫虛元君

女冠徐煉師周武穆公

三天佑相保和王真人

大洞嗣師王真君太守唐真人

大洞籙師申真君霍山王真人

大洞法中左右通引二大真官

大洞法中鳳凰山應夢土地

將班

大洞主法天騶甲卒大將吳元帥

大洞法中驅瘟九部神吏天兵

大洞籙中驅瘟金剛億萬神兵

瘟鬼姓名若能知者鬼不敢犯
三呼其名各瘟鬼自滅

東方青瘟之鬼張元伯等像似兔首領行惡風之病主

春病曰瘟腐木之精

南方赤瘟之鬼劉元達等蒙虎皮像領行熱毒之病主

夏病曰疫炎火之精

西方白瘟之鬼趙公明等像若雄雞冠領行注氣之病

主秋病曰癘死金之精

北方黑瘟之鬼鍾士秀等像若烏鴉領行傷寒之病主

冬病曰寒瘟溷池之精

中央黃瘟之鬼史文業等像似驢首領行土瘟之病主

乎四季曰疫癘糞土之精

七注瘟魔

天瘟鬼咎通 地瘟鬼士言 社瘟鬼畢壺一作姚 牢

瘟鬼天遐 廟瘟鬼大黃奴 土瘟鬼朱女 注瘟鬼

伯凌 瘟鬼祖梁州 瘟鬼祖娘交成 瘟鬼父房山

長 瘟鬼母荷骨青 眷屬畢洋奴胡夜叉畢延年定光子母中出

右瘟鬼形名能飛行日月布施毒氣以殺生民是以元始天王有法制之不能為害遣命天騶甲卒大將法籙吏兵隨符驅滅以伐魔瘟謹依琅函玉匱發出大洞真文昔在龍漢祖劫初玉清宏道示此符籙誠上品聖仙至真之妙寶也宜珍重焉不可輕褻

逐日瘟鬼所在方位

- 初一 中庭
- 初二 東壁下
- 初三 大門
- 初四 中門

初五 在外
初六 東壁下
初七 西壁下
初八 西壁下

初九 在外
初十 在外
十一 西壁下
十二 房中

十三 房中
十四 南方路
十五 後門
十六 竈前

十七 病人牀
十八 中庭
十九 竈前
二十 社廟

二十一 西方樹下
二十二 堂前
二十三 在路
二十四 東方

二十五 在路
二十六 在廚
二十七 病人牀邊
二十八 北方井邊

二十九 在廟
三十 病人牀上

逐日瘟鬼出入時

- 子日 午入 申出
- 丑日 未入 酉出
- 寅日 申入 戌出
- 卯日 酉入 亥出

辰日戌入子出

巳日亥入丑出

午日子入寅出

未日丑入卯出

申日寅入辰出

酉日卯入巳出

戌日辰入午出

亥日巳入未出

大洞法中剋滅瘟鬼字諱

癩 汝是東方青瘟之鬼腐木之精謹請西方金德星

君滅汝真形 癩 酉文踢過卯文

癩 汝是南方赤瘟之鬼炎火之精謹請北方水德星

君滅汝真形 癩 子文踢過午文

癩 汝是西方白瘟之鬼死金之精謹請南方火德星

君滅汝真形 癩 午文踢過酉文

癩 汝是北方黑瘟之鬼溷池之精謹請中央土德星

君滅汝真形 癩 玉文踢過子文

癩 汝是中央黃瘟之鬼糞土之精謹請東方木德星

君滅汝真形 癩 卯文踢過玉文

咒曰

五方五炁因旺化生神不內守外作邪精吾知汝姓吾知汝名汝若不去雷府斬形唵叱靈唵叱靈吾今召汝速來臨驅滅瘟瘴除毒害殄除橫禍刑狂精汝若有違吾號令一聲霹靂化為塵急急如律令

元始大洞親機寶符

元始玉勅四字墨書

元始玉勅



以下硃書

圈內加入靈

靈靈靈靈靈

靈靈靈靈靈

靈靈耀光寶

鄭氏曜百寶


塗黑

右符握洞淵訣誦玉章玉誥迎罡氣書之懸正中庭

瘟鬼俯伏不可慢褻

洞淵訣中豎一指四指皆屈即真武訣也

大洞遣瘟符



圈內加入靈釋

唵喝鑽聾靈靈

唵悉悉懇懇

靈靈靈詞因

塗黑


大洞遣瘟神咒

洞淵神靈。大洞帝尊。光華電掣。明曜三清。流火萬里。遣滅五瘟。元始有勅。鬼無逃形。瘟鬼七疰。攝送艷營。急急如律令。

又咒

畢奴洋洋賓奴鬼王。吾有玉帝瓊花之章。天瘟瘧瘧。吾有玉律。天帝之章。洋賓奴是汝父。畢洋奴是汝母。胡夜父是汝子。定光子是汝妹。吾知汝名。天符元帥。統領鬼兵。年王月將。治病收瘟。五方五毒。因氣化生。洞淵有旨。大洞帝君。天騶甲卒。斬鬼五形。張元伯等。仰遵約束。瘟鬼七炷。悉聽欽承。急急如律令。

大洞絕瘟符



大洞絕瘟神咒

元始勅下。大洞天符。主攝五部。行毒鬼王。黃奴白桑。斷絕瘟氣。火速滅藏。六丁之鬼。染害生靈。敢有不遵。斬首帝庭。急急如律令。
按行毒鬼王下有青磷赤漸四字句原本遺應補入

圈內加入靈釋

煙塤應悉懇懇

懋懋懋懋懋懋

台朝朝朝朝朝

金闕耳字下趨

耀從北極宮中

上紫微神劍一

坐妖鬼滅形小

四破斜黑煞小


小上三趨加於

黑煞之內行小字

塗黑內分行小字

右符握斗訣迎罡氣。誦咒五遍書之。懸中堂及房室。
斷絕五瘟。永不傳染。

大洞止瘟符




大洞止瘟神咒

大洞帝勅。吒吒瘟神。五瘟之鬼。因旺化生。唵吒靈靈。唵

叱威神。速止疫毒。驅滅邪精。觸卽腰斬。風火遵承。急急
如律令。

元始天王曰。凡治瘟鬼。書此三符。須閉九竅之氣。存身
中五臟。化爲五氣金光。嚙味五芽。叩齒集神。則瘟鬼自
伏。若人得此大洞三咒。勤而行之。得煉氣不死之道。世
人輕洩慢謗。必遭殃咎。能敬奉修持。功莫大焉。


大洞真官治春瘟符



圈內加
癩字塗
黑

咒曰。叱汝東方青瘟之鬼。腐木之精。春季之內。因旺化
生。張元伯等。火速遵承。急急如律令。


大洞真官治夏瘟符



圈內加
癩字塗
黑

咒曰。叱汝南方赤瘟之鬼。炎火之精。夏季之內。因旺化
生。劉元達等。火速遵承。急急如律令。


大洞真官治秋瘟符



圈內加
瘟字塗
黑

咒曰。叱汝西方白瘟之鬼。死金之精。秋季之內。因旺化
生。趙公明等。火速遵承。急急如律令。


大洞真官治冬瘟符



圈內加
瘟字塗
黑

咒曰。叱汝北方黑瘟之鬼。溷池之精。冬季之內。因旺化
生。鍾士秀等。速疾遵承。急急如律令。

大洞真官治中央五氣土瘟符



圈內加
瘰字塗
黑

咒曰。叱汝中央黃瘟之鬼。奠土之精。四季之內。因旺化
生。史文業等。速疾遵承。急急如律令。


大洞真官隔四時五瘟斷傳染符



圈內加入
𪗇𪗇𪗇
靈靈靈
靈靈塗黑


右符焚於桃葉湯內四壁灑之及書鎮門闌外

大洞收瘟食瘟吏符




右符焚之於病人室內

大洞收毒食毒吏符




右符焚之以桃湯吞之解除瘟毒

大洞收邪食邪吏符




右符焚於病人室內如犯撞妖怪邪祟山魃木客竝
書治之

大洞收炁食炁吏符




右符焚瘟鬼原在之處以絕歲運之氣

大洞收鬼食鬼吏符



右符收瘟掃蕩焚於大門之外

大洞收殃食殃吏符



右符驅瘟焚於病人牀下以避殃鬼之氣


大洞收精食精吏符



黑靴樣內加
入靈雷因
周圍五點口
念合明天帝
日書畢念玉
誥塗黑然後
加左右金光

右符凡精邪影現書焚以滅之

大洞治病神醫吏符




圈內加入靈
澄湖禮天医
陶公濟速至
靈昌靈
老叟
塗黑

天醫神咒

太極肇判。二氣交併。日月光照。五星降臨。三官下降。眾
聖咸臻。天華天醫。疾速應靈。收攝瘟疫。與道合真。急急
如律令。

右符係天醫法。當誠心誦前咒書之。立彰感應。取桃葉煎湯。焚和與病人服之。汗出瘟消。頃刻痊愈。不可私心怠蕩。慎之慎之。

大洞誅邪破廟吏符




圈內加入
憇
憇靈靄靄
憇憇憇憇
瘧塗黑

右符誅邪斬惡掃蕩瘟疫

以上九部吏兵寶符


大洞禁瘟符



圈內加入靈
靄靄靄靄靄
靄靄交成
畢
奴胡夜叉
畢延年
定光子
母中出
靄塗黑

右取北方黑氣入符誦禁瘟咒五遍書之。禁瘟咒同後驅瘟咒

大洞真官治瘟丁將軍符



此符有一萬天丁度

大洞驅瘟禁瘟神咒

大洞靈篆。玉笈金章。升天入地。收斬瘟瘧。無道之鬼。拔
 髓抽腸。奉天明命。勦滅凶殃。唵吽叱咄叱火羅唵咖耶。

圈內加入訶

甕鎮龜癩癩

瘰癧瘰癧洋

賓奴畢洋奴

塗黑

急急如律令

右二符主鎮病人房室。毋得輕褻。


大洞帝尊驅瘟佩符



右符用硃砂雄黃書。給人佩帶。以避瘟氣。不相傳染。


大洞帝尊驅瘟佩符咒

千千截首。萬萬剪形。魔無干犯。鬼即蕩傾。三官北都。明
檢鬼營。不得容隱。金馬驛程。普告無窮。萬神咸聽。三界
五帝。列元上清。急急如律令。
大洞禁瘟真符



圈內念開心咒
取炁加黑點金煉
靈煞煞沙嚕靈
陽日靈陰日瘥
用靈用瘥
瘥靈靈雜
靈塗黑

大洞驅瘟閉塞門逕真符



圈內加入本
家合宅生庚
姓名及五瘟
姓名又倒書
瘥瘥瘥瘥瘥
五諱塗黑

右符用青紙硃書閉封塞門

訣曰。人眷藏斗口。百邪窺不見。瘟鬼倒提頭。天符皆歛

燄。

大洞祕法。世所罕聞。治伏魔鬼。驅除瘟疫。功莫大焉。受持者。當珍惜敬重。切勿輕褻。

文帝全書外函卷三十七

義陵劉體恕無我彙輯

古鼎劉廣恕

古渝金本存全訂

古鼎劉悟誠

仁和關 槐柱生校定


文昌大洞治瘟寶籙下

元始天王曰。人生於世。妄汨身心。癡迷妄想。不能攝養。以致疫癘所侵。使一身四大。氣衰血憊。元精不固。此瘟病所由生也。且值末世。運氣澆薄。人心破壞。更生疑惑。

不信正道。惟用邪行。背真就偽。不義不仁。違天逆地。殺害衆生。不忠不孝。無愛無慈。造諸惡業。致使災染瘟疫。身受毒氣。如是五嶽神祇。遍行瘟部。懲其罪孽。放其毒氣。散佈瘟丹。以殺惡人。我今以此法錄。授傳於世。疾氣不侵。魔瘟殄滅。請施寶錄靈文。不可輕泄。

天驕甲卒大將軍吳莊。統一萬人兵度。


大洞驅瘟都總攝符錄




元始天靈
空峒山靈
勅文

此符在處有八萬力士三千神兵守衛治瘟天行
鎮之斷後傳染


大洞文昌伏滅天符歲運寶籙




大洞寶籙制天符丹霄祕文



大洞天騶甲卒一萬人兵度錄



大洞鎮瘟治鬼寶錄




大洞風雷神兵一萬三千人兵度
 大洞遣瘟神兵一萬二千人兵度
 大洞絕瘟神兵五億萬萬人兵度
 大洞止瘟神兵三十萬人兵度

大洞九部神吏兵九萬神人兵度

凡驅瘟伏魔。誦此神兵。飛符號令。瘟魔俯伏。悉聽約束。亦可佐天行化。助國救民。符籙到處。萬神奉行。

大洞伏滅瘟鬼父母寶籙




此符集神伏瘟。消弭氣運。安鎮中庭。瘟鬼自伏。是

籙在處。百怪潛藏。


此符乃攝瘟父母。焚之病室。及鎮中庭。

大洞文昌赦罪寶籙




籙赦寶篆一道。凡瘟疫流行之處。一方傳染不止。用此寶籙頒告赦宥。瘟氣即止。


玉清大洞收攝東方青瘟鬼寶籙




玉清大洞收攝南方赤瘟鬼寶籙




玉清大洞收攝西方白瘟鬼寶籙




玉清大洞收攝北方黑瘟鬼寶籙



玉清大洞收攝中央黃瘟鬼寶錄



玉清大洞斷除氣候寶錄



右符凡驅送瘟瘧出戶。當門焚之。除隔氣候永絕。

咒


上帝勅命。驅送五瘟。消蕩瘟瘧。寒暑燥濕。六氣循環。神明守護。速去無留。吉祥駢臻。大量立立。急急如律令。此法錄書二卷。治瘟遣鬼。代天宣化。助國救民。陰功莫大。輔正除邪。普濟立功。寶而敬之。非人莫傳。不可慢泄。戒之慎之。

凡法士入瘟家。治伏瘟鬼。以左目角虛書靈。以右目角虛書禱。以天目虛書禱。禱禱。三清化以舌尖書靈。洞淵金彈子震。天罡此二字捲作一九。燕入心宮。急以舌柱上腭。

緊閉九竅。燕液九口。存火焰出。吐燒滿房。因音一聲。雙手雷訣。望中庭一拋。良久徐徐而行。瘟鬼自伏。不可輕洩。

凡法士出瘟家門。以左手照斷候。踢念。

- 一斷天瘟路子
 - 二斷地瘟神丑
 - 三斷疫癘鬼寅
 - 四斷土瘟靈中
 - 五斷傳染氣卯
 - 六斷伏尸精亥
 - 七斷七疰絕酉
 - 八斷八猖兵申
 - 九隔鬼出入未
 - 十斷五瘟神午上
- 過巳 以劍訣望大門虛書仍取罡氣祖炁



寫田字時
默念開天
門閉地戶
雷人門塞
鬼路穿鬼
心破鬼肚

書完。招銅籬鐵壁訣畢。直出。毋反顧。
銅籬鐵壁訣八
指相交一反一
籬手面向外為銅
籬向內為鐵壁

治各獸瘟符

日 東 乡 月



乌女


圈内加入
勅
靈 瘰 瘰
靈 靈 靈
靈 靈 靈
靈 靈 靈
塗黑



七轉
乌女

圈内加入
靈 煞 牛 皇
主者 靈 靈
塗黑

治猪瘟符



圈內加入

瘧瘧瘧

猪神主者

塗黑

各化調芒硝湯灌之

治瘟疏文式

右符告下

東方青瘟使者。瘟部闔屬神祇。太歲尊神。城隍主者。
 方隅禁忌。土地尊神。咸遵

太上好生之德。下副詞主悔過之忱。

赦已往之愆。尤消除疾苦。


錫方來之福祉。釋散災殃。澄清四界之妖氛。辟斥五
 方之疫氣。頓除傳染。永絕纏綿。威神咸返乎所司。
 列聖奠安於方位。境域清寧。民人康慶。一如告命

風火驛行

年 月 日 弟子

承諾奉行


九天輔元開化主宰消劫行化天尊



以上共疏一張用黃色紙

文昌大洞驅瘟逐魅除魔滅祟寶印

用檀香木刻凡文疏年月上蓋印



用檀香擇甲子
庚申及黃道上
吉日刻之硃砂
印於治瘟諸符
上其大小可聽
其便亦不拘也

逐瘟丹

黃連戊癸年為君 黃芩乙庚年為君 黃柏丙辛年為君 山梔丁壬年為君 廿

草甲己年為君 香附 紫蘇各一兩凡值年為君者倍加

以上七味。冬至日製研末。錦紋大黃三兩。濃煎去渣。熬成膏。和前末為丸。如彈子大。硃砂雄黃為衣。金箔貼面。每用一丸。冷水送下。如作丸焚者。多加雄黃。

玉誥

太上彌羅無上天。妙有玄真境。渺渺紫金闕。太微玉清

宮。無極無上聖。廓落發光明。寂寂浩無宗。玄範總十方。湛寂真常道。恢漠大神通。玉皇大天尊。玄穹高上帝。


玉章

唵。吽。叱。咄。叱。火。羅。金。叱。伽。哪。急急如律令

退病咒

洞淵大法主。黑暗明天鼓。風伯掃瘟瘟。電母除病苦。霹靂伐邪魔。兩師行法雨。遍灑一身內。清涼通肺腑。重處即時輕。損處即時補。熱處即時涼。積處即時去。危處即時安。痛處即時住。急急如律令。

信香符



此符誠一焚之。閉息須臾。香畢。凡所請名聖神。無不卽至。

醋炭符

臨渴

勅紙

天門四通。右陰左陽。值符神吏。收殺不祥。邪精鬼炁。收伏天罡。急急如律令。

勅筆

神筆冥冥。太陽真精。書符鎮邪。鬼見休侵。急急如律令。

文帝全書外面卷三十八

目錄

文昌帝君序

孚佑帝君序

文昌侍史黃道周序

玉局心懺

啟懺真言十條

皈誠品第一

首罪品第二

赦過品第三

省幾品第四

定志品第五

篤行品第六

養性品第七

化物品第八

事天品第九

序意品第十

玉局心懺一卷。右局真人杜長春著。

文帝全書外函卷三十八

文昌帝君序

吾奉帝命。簡玉局真官。降勅人世。自甲寅中秋始也。迄今六載。教立學荒。心甚憫焉。因準真官所請。敬演心懺一部。宣示頒行。一曰皈誠。二曰首罪。三曰赦過。四曰省幾。五曰定志。六曰篤行。七曰養性。八曰化物。九曰事天。而未復自序其意。嗚呼。真官此言。別理欲也。辨吉凶也。明生死也。四子之書。五經之蘊。括於此矣。文莊則當頌義實。則當循象嚴。則當信。嗚呼。聖人以神道設教。豈得

已哉。

孚佑帝君序

蓋聞著書立說。講道明心。自管聖賢。其揆一也。浮詞組織。雜技繽紛。識者憂之。况在天階。又奚取哉。孔子猶曰。述而不作。信而好古。後世載籍日煩。義理闕如。五經四書。置勿復道。而徒藉以博功名。誇聲譽。又從而託及異端。嗚呼。其亦勿思耳矣。予儒人也。晚參大道。脫棄塵緣。名曰修鍊成仙。實盡本於孝弟忠信。高大精微之學。故得氣行宇宙。豈漫言飛昇尸解者流耶。世不察。以爲方

外旁門。天高地厚。日升月恆。又安用此鬼誕爲也。昔故降鸞立教。頻引孔孟之言。與河洛相表裏。必待學者積累修成。無愧無怍。然後心神寧。災厲退。內功可成。天恩可遇。卽不幸而殺身成仁。亦自貫虹霓。驅神鬼。安得盡入深山。遊窮海。以爲至人再出耶。至於乩符託跡。時隱時現。不過憫凡夫之愚迷。而稍引之正。又安得執塗人而語以幽明之故耶。每欲自明其說。而無從相授。幸及今日。見元皇命真官。成此心懺。整巾肅容。再拜而讀之。不釋喟然歎曰。是予之志也。孔孟之言。習而不行。以其

言雖在其神不靈耳。何爲入梵宮。見神像。又輒從而稽顙祈禱。此昧心也。亦敬心也。反而推之。合而行之。道在於是。玉局之心。如此其仁。故發而爲文。振金玉挾風雲。沁心脾。動肝腦。易曰。觀乎天文。以察時變。猶是無言之教也。夫敬展卷而作頌曰。炳炳鸞書。來於玉宸。羲文之祕。洙泗之真。濯爾魄。貫爾神。函關仙尹。圯上老人。齊俯首。覺斯民。幽疑掃闢。萬物皆春。

石齋先生序

長春子旣奉帝君令。演成心懺。詳而簡。精而顯。予又何

言。但刊成後。必有謗其以儒附道者。必有疑其託鬼立言者。必有怒其矯枉過正者。不可不預爲之辨。誦述孔孟。效法程朱。原無事於旁參道錄。而人心不肅。言與行違。天地鬼神。臨之質之。庶幾警省。故每節莊誦天尊名號。而不另易其稱。始以三清存無極也。尊以上帝。崇主宰也。繼以后土日月星辰。昭法象也。次及司化天神。赫赫聲靈。彰賞罰也。其次序不必拘於法藏。其體用未嘗涉於讖緯。以儒附道之謗。可釋矣。乩鸞設。而或叅以識神。託以幻語。邪則類於師巫術。更迷於卜筮。吾方憾之。

厭之。詎敢自蹈其轍。若長春子欽崇帝命。大顯神光。始之借科第以報應。不過欲稍存鼓舞耳。徒侈因果。不證實學。流於功利之弊。依然祈禳之私。故著此書。雖以懺名。無非訟過語錄。從前降真一案。可以會於無言。託鬼立言之疑。可息矣。神人道殊。幽明異路。此皆自甘淪廢之語。有道之士。養成浩然。塞乎天地。苟不有一番拔山搗穴之功。何能不與草木同腐。陽奉聖賢。陰同婦豎。天階考校。炳如日星。又何裨耶。取法乎上。僅得乎中。守廉隅。盡仁孝。當此波靡之會。憂憂其難。安得不嚴爲之防。

忠爲之告。一片婆心。淚潛潛下。矯枉過正之怒。可化矣。吾故表而出之。以俟知我而罪我者。康熙庚申閏八月廿九日文昌侍史黃道周序於繭園書屋。

文帝全書外函卷三十八

古鼎劉廣恕

義陵劉體恕無我彙輯

古渝金本存全訂

古鼎劉悟誠

仁和關 槐柱生校定

文昌證真宣化救劫酬恩心懺

啟懺真言 十條

息慮真言

藐茲寸胸。萬欲交蒙。驅馳南北。顛倒西東。本無塵垢。亦

非苦空。敬之敬之。主一而終。放心速收。咫尺天宮。

調氣真言

氣本浩然。靜乃動先。蹶者趨者。中斯餒焉。以默以緩。呼吸綿綿。客感皆寂。太和始全。屏如不息。對越在天。

注目真言

靈哉目光。含陰射陽。主人不蕩。眸子斯良。色莫外眩。精須內藏。顧諟稍斂。矇瞽茫茫。尚其注茲。灼灼天章。

洗耳真言

耳根最危。喪爾百為。甘言漸誘。聰聽久離。虛堂喧攘。塞

兌乃宜。淵淵天籟。聞乎不知。苦海晨鐘。醒省夢思。

漱口真言

越思躁言。釁咎何喧。饜味傷魂。辛穢何昏。緘爾喉舌。嚼爾菜根。齒唇常輔。膏液常存。音如金玉。惟德之溫。

整容真言

生而為人。道義之身。齋戒沐浴。亦許自新。毋荒於寢。毋醉於醇。收束肢體。祇謁明神。跛踦不作。規矩長親。

肅壇真言

寥寂星壇。聖域長寬。有風自薰。不冰而寒。宮富廟美。應

文帝全書 卷三十一
如是觀。引汝入室。厥居乃安。願言同好。空谷幽蘭。

焚香真言

迢迢紫庭。明德惟馨。爾神須潔。爾氣須寧。天香聞處。何假斯形。白雲如蓋。黃鶴如停。玉鑪火候。視我靈扃。

秉燭真言

屋漏沉幽。曖昧無休。誰其燭之。長夜魂遊。早然明炬。光輝四周。燈傳薪續。如點雙眸。何障不徹。爍哉景修。

盥水真言

淵泉既居。止水湛如。枯者斯潤。淤者斯除。靈根一灌。洗

漾太虛。涵以玉壺。照以方諸。胸襟若此。廼讀聖書。

文昌玉局真官爲弟子等衆志心敬禮

先師大成至聖孔子

復聖顏子

宗聖曾子

述聖子思子

亞聖孟子

孔門從祀諸子

濂溪周子

明道程子

伊川程子

康節邵子

橫渠張子

紫陽朱子

歷代理學真儒

拜畢方入幟

皈誠品第一

玉局真官杜長春奉元皇帝君律令降乩敬撰伏爲弟子等衆皈身皈命皈神九天開化梓潼元皇帝君更生

永命天尊殿下職聞天監在茲。化育顯生成之德。帝心臨汝。恩威寓賞罰之權。播令於春夏秋冬。百神受律。垂教於風霜雨露。萬物歸仁。感而遂通。誠無不格。恭惟九天開化梓潼元皇帝君更生永命天尊殿下。儲祥北斗。顯瑞南宮。長萬善而體元。爲蒸民而永命。靈開潼嶺。精微傳大洞之經。行著鎬京。孝友協昌期之運。無體之禮。無聲之樂。昭昭言動常存。如日之升。如月之恆。穆穆光華復旦。受寶符於金闕。勾陳在前。元武在後。丹心夾玉座之旁。檢桂籍於瑤宮。上卿司祿。中士司書。青簡照雲。

衢之下。位視伊周。鼎鉉教爲孔孟。藩籬統率儒林。提衡藝苑。月殿開而綵霞起。鸞輿度而清風翔。道本淵凝。心惟陰騭。憫頽波之滔蕩。傷正路之傾回。動色咨嗟。巡行校察。見有弟子彭定求者。城隍保奏。斗母矜憐。駕臨彌羅之宮。勅到文星之閣。預宣天榜。特遣微臣。歲紀甲寅。月臨癸酉。幽明若電。響應如雷。所以助弱扶衰。興一勸百也。職生非良吏。歿仍腐儒。忠直未漓。朴誠猶在。過蒙甄錄。久隨香案之班。幸屬旬宣。暫捧玉霄之令。敢不敷揚聖德。廣贊神功。奈何疑信相參。天人交戰。身羈塵網。

目障雲霾。來往屈伸。益見因材之意。盈虛進退。方開入道之門。荏苒六年。稽遲前命。撫躬惶悚。稽首陳明。仰冒天威。敬成心懺。揭詩書之大義。較若金科。依几席之明輝。儼如寶鑑。俾弟子等衆。盡掃幽迷之障。共明降鑒之因。御氣凝神。聳觀悚聽。信非狂夫語怪。知爲後學承天。從此遐邇聞風。智愚向道。初終勤慎。表裏嚴明。廣積善功。靜叅元始。曰明曰旦。無非奏假之時。爲誦爲絃。堅秉從先之志。迷津可渡。聖域非遙。伏望元皇帝君。諒職愚衷。恕職淺識。奏明上帝。降勅冥曹。陽善勿褒。陰惡不貸。

拙者可宥。悔者可寬。惟願弟子等衆。來到靈壇。祇承懺法。實心遵奉。絕意禱祈。如臨明師。如依慈父。千秋勝事。百世奇逢。不勝戰慄投誠之至。

志心敬禮 每句聖號 俱冠此句

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊 以上各一拜

九天開化梓潼元皇帝君更生永命天尊 三拜

首罪品第二

職爲弟子等衆。仰朝帝座。親覲天顏。竊念照膽靈臺。毫芒不揜。虧心暗室。衾影終慚。痛夙劫之深沉。悼微軀之薄劣。降衷伊始。明命非虛。積習相移。初基乃壞。幼而頑惰。長而肆偷。強暴則機智交攻。愚柔則心神頓怯。空傳詩禮。浪附衣冠。血氣易淫。元精早喪。典墳未習。文譽先誇。惑溺名場。爭營利窟。藥難瞑眩。疾已膏肓。輒謂直道不行。罔識聖言可畏。龍斷之萌。旣甚。雞鳴之起。何爲所

以報主而廉靜難成。事父而顯揚猶憾。睽離族誼。輕負師恩。猥昵妻孥。偏歡子女。燕朋溺志。雜說營心。面是背非。中疎外密。翻雲覆雨。方寸焦勞。撲火抽絲。脂膏枯竭。恃才則傲。倚勢而驕。臧否不真。伎求無厭。武斷鄉曲。請謁公庭。盟社橫分。徒傷信義。苞苴暗入。尙博清聲。喜詐欺愚。畏強凌弱。辭貧就富。棄故謀新。口腹肥甘。傷殘物命。田園廣麗。腴削民財。僕妾猖狂。優伶戲侮。禱祈越禮。褻瀆明神。祭葬失時。恫傷先祖。睚眦必報。鼠角交興。損失天和。招來人怨。身容怠佚。酒德乖張。博奕玩娛。歌詞

文帝全書 卷三十六
綺艷。卽或旁通宗乘。偶慕仙階。何曾性命兼修。不過皮膚幻視。甚而滑稽妄逞。採鍊邪趨。白首無成。朱顏不再。任情流蕩。逐浪難平。回首思維。聞雷皆震。今幸餘生猶在。且氣還存。瀝血自明。焚香盡剖。汗流涕下。魄動魂驚。洵無地以求容。祇向天而思悔。捫衷引慝。席藁稽誅。不勝悲痛憂危之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

赦過品第三

職爲弟子等衆。發露罪愆。痛思省改。竊念靈根既斷。苦海竝沉。賦性維艱。受恩不易。今生若墮。後會難期。六道輪迴。瞭如反掌。三塗沉滯。重若移山。悔趨吉而吝趨凶。轉圓實速。陰爲刑而陽爲德。運轂非遲。惟上帝之好生。

待斯人之訟過。復卽繼剝。消長見天地之心。豫必承謙。哀益寓鬼神之柄。遇災而懼。一言不絕。將來止謗。則修瞬息可追。既往過因。智短勢與。心違氣弱。乃遷物來斯。誤剛明不足。忠厚皆愆。積垢攘尤。罹憂受釁。聖心爲之。惕若慈容。見而惻然。恕其疎庸。憫其暗塞。察隱衷之苦。悼岐路之艱。短命弱疴。猶延生籍。衰宗孤系。尙續家聲。息仕宦之風波。消戶庭之痞膈。桑榆加勵。鞭策收功。湯火再離。嶽崎還免。此真吹毛數髮。難罄鴻施。鏤骨抽腸。莫銜雀報。願在同盟之侶。皆思再造之恩。莫言命蹇時。

乖妄求福祿。莫謂才高學進。不免怨尤。吏職多蒙。素餐已甚。先疇幸服。肯構猶虛。髮白齒頹。畱挽回之線。童心稚氣。需變化之機。孤苦零丁。裁成委曲。凡此現前餘澤。何非造物深仁。大道本無棄材。夙劫亦容立命。乾資始坤資生。允矣兼收竝育。日所照。月所臨。洵哉繼晦重明。罄竹竭波。不足喻人心之險。下車解網。誰能知帝力之寬。尙思傾否之幾。早鼓濟屯之氣。先迷後得。已及其時。思患預防。更垂厥象。怙終不變。稿骨難蘇。積孽罔知。枯枝遂朽。且拜且泣。以感以慚。不勝銜哀禮謝之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

省幾品第四

職爲弟子等衆。祈求浩蕩。幸賜蠲除。竊念積染方融。倒

懸將解。從此洗心之後。依然受命之初。然氣質久漓。形骸長放。靜無澄觀之識。動多回惑之情。理欲交乘。剛柔混雜。毫釐不判。千里終違。似是而非。雖真亦僞。拘循名象。難窺性道之原。墮落虛無。不察倫常之義。學先格物。巨細同揆。事在知幾。公私各辨。陰霾欲埽。電擊風馳。夜漏將終。璣旋衡轉。惟人心之有覺。如天紀之重新。視本明。聽本聰。只在時時喚醒。言可教。行可法。全從事事提撕。片刻湛虛。良知自現。萬緣放下。天倪還呈。夢醒之關。人禽之界。凜茲幽獨。危彼幾希。思至而神自通。理窮而

文帝全書 卷三
物不誘。清宵默坐。萬籟遙聞。平旦肅興。重門洞闢。賴真
機之發露。藉至德之圓明。垂以靈儀。錫以智慧。言利勿
信。見善勿疑。禍福窺倚伏之端。去就審後先之勢。一經
覺察。即便轉移。此乃入德之基。補過之漸。單刀直剖。斬
盡葛藤。利劍高懸。冲寒星斗。胸襟一朝廓落。眼光立地
澄清。何事疲性勞形。懷機挾詐。辨說淫而正學。仗明哲
以保身。著蔡同觀。芻蕘竝採。莫曰予智。仍入陷穽之中。
莫曰我愚。甘墜沉淵之底。大道本無奇幻。患在終迷。俗
障縱爾紛岐。功成早斷。聽尼山之木鐸。聳贖齊開。振玉
切之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

定志品第五

職為弟子等眾。重開覺路。大啟迷津。竊念聖域崇高。門牆竝入。道基堅厚。階級先分。或困勉。或學利。或生安。勿謂聖狂終遠。在利祿。在功名。在道德。當思理欲懸殊。四科先顏閔之賢。方稱好學。十翼闡羲文之祕。尙期假年十五之志具存。四十之心不動。前修有效。進步無疆。奈何岐道旁趨。半途自畫。寄情榮辱。循末俗之規模。役慮文詞。棄先民之心諦。隙光仍闡。靈竅終昏。歲與意馳。年隨力去。未到朝聞之境。空言夕死之期。天地以大德為

生。裁成匪泚。民物具至。誠之性。胞與何私。穀鯨既萌。擴
充貴於權量。豆箒不屑。羞惡嚴於鼎鐘。盍亦竝質神明。
預陳誓願。從今立志。沒齒修身。絕欲速見小之心。去優
游玩忽之態。立先乎大。思至於誠。以聖賢爲必可師。以
鬼神爲不可負。內思承親之孝。外思報國之忠。顯欲濟
物利人。微欲樂天知命。務期順時而動。素位而行。不就
易以辭難。不履常而忘變。妄想盡汰。仁體斯完。各以清
靜之宗。速伸勇往之氣。庶幾生安死順。不至利鎖名牽。
白璧可磨。青蠅已散。若復陰違陽奉。瞻顧游移。能知不

行。雷同勦襲。簪纓炫飾。不如做縉之臧。壇坫浮陳。何若
燕居之靜。主持名教。責備吾徒。特舉孤懷。共盟彝好。皇
天后土。實聞此言。先聖後賢。請事斯語。無欲之欲。其德
乃剛。無爲之爲。其天常定。從此息禱祈之障。卽今是證
果之期。不勝精白矢誠之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

篤行品第六

職爲弟子等衆。堅持趨嚮。砥礪躬行。竊念樹德務滋。除惡務盡。德性高明之彥。功不廢於持循。學問會通之時。道終歸於實踐。剛毅木訥。乃可求仁。篤實光輝。不離積善。博文約禮。垂顏氏之四箴。履薄臨深。貴曾家之三省。安榮未云福澤。憂患正是生機。莊敬所以自強。純一因

文海全書 卷三
之不巳。親義序別。信止而勿遷。天地君親師。恩皆罔極。隨處務尋天理。舉念莫涉人爲。若待得位而後行道。則簞瓢陋巷。斷難禹稷同歸。如必遇時而後揚名。則采薇剖肝。應視臯夔改轍。千古總成一是。五德無容再虧。登高自卑。涉遠由邇。履須思順。困亦致亨。不恆則羞。安節斯吉。晨昏動忍。出入欽承。收束五官。莊嚴四體。戒在直尋。枉尺慎須。忒後懲前。取義舍生。難進易退。忿皆釋躁。皆平。肅肅見賓承祭。名可辭。位可讓。謙謙執玉持盈。不導諛。以苟容。不徇情。以沽愛。庭闈寧靜。牀第倡隨。惟儉

惟勤。戒淫戒殺。大綱不忒。細行皆矜。向所未作之愆。慎莫終蹈。昔所已行之罪。痛思永除。各宜猛省。次第類推。家範官箴。禮門義路。須臾卽在。跬步難離。會須取己。以譬人。乃可奉身而寡過。寬一步。省一言。最忌深機隱計。慎一朋。息一事。常能輔德懷刑。強恕之術。共聞弘道之能。實近功。虧九仞。反慚一簣之基。學歷三年。彌淡半鍾之祿。至於誦讀經史。考驗性情。勿作文字之觀。僅等道塗之說。工夫踏實。境地光明。矻矻孜孜。死而後已。兢兢業業。時不重來。天惟顯思。已入汝心之奧。神亦臨止。不

離爾室之隅。不勝恐懼遵行之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

養性品第七

職爲弟子等衆。指陳品彙。訓勉端方。竊念始困。可以終亨。下學因之上達。天地之化。過而不留。聖賢之心。虛而不有。好學徒思浩博。卽來玩物之譏。爲善稍涉矯揉。豈合事天之義。主敬則一。主靜則虛。義實共貫。同原。學在操存培養。無僅成爲善士。無自阻於中人。天君泰而百體皆安。物欲消而萬理具足。不聞不睹。浩浩無名。勿助勿忘。惺惺常在。惟彼鍊形握訣。執著丹田。滅性歸空。荒唐竹筮。試思孔顏之樂。隨處可尋。鳶魚之幾。當前皆察。渙若冰釋。藹若春融。前後高堅。恍能卓立。克伐怨欲。何

待矜持。未發之中。固皆有也。不貳之命。何不聞焉。所以曾點雖狂。漆雕未信。獨能見道。可與窮神。但須積累深久之功。乃進逢原自得之效。復以始之。艮以敦之。安土依仁。洗心藏密。如花初蘗。香氣中含。如穀旣成。萌芽復種。浮雲何有。纖諦皆無。存存之門。生生之候。光風霽月。峙嶽渟淵。現我天心。保爾元氣。太和充溢。客感潛消。自然盜背睥容。卽是填離取坎。不踰之矩。從此可參。自闡之章。由茲愈篤。切莫矜言頓悟。浪說無生。中正和平。精微潔淨。原無形神拘迫。束縛煩勞。何將何迎。莫來莫往。

然後可以酬酢萬變。統會散殊。一貫之聞。先歸於魯。屢空之庶。如許其愚。此真養似木雞。渾同璞玉。行見默朝上帝。卽在明旦之時。接續先儒。獨契薪傳之妙。六陽純健。猶以遇亢爲防。一陰未除。急以用壯爲戒。務深根固蒂。遂反本還元。宜思汲引之誠。漸得從容之樂。淵淵心印。寂寂真詮。不勝屏息澄神之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君 月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

化物品第八

職爲弟子等衆。已證精修。期登至道。竊念人性皆善。天意無私。不有成物之功。終非正己之驗。獎掖後進。啟迪羣蒙。責在士林。教先名義。人心簧鼓。聖學荆榛。奔競者以捷得爲長。詭譎者以彌縫爲巧。聰明之子。胥入浮誇。醇謹之儒。亦趨畏懦。甘言毒於狂藥。虛聲羨似兼金。揆

厥所由。咎將安在。君子愛人以德。仁者贈人以言。獎真才。勿獎僞才。爲益友。勿爲損友。講德論業。合志同方。務在陶淑性情。箴規品行。操觚小技。便逞狂談。叶韻童言。遽稱名士。痛須鍼砭。速滌腎腸。莫恃父兄之勢。當思祖澤艱難。莫誇文字之雄。當念寒儒辛苦。偶然弋獲。亦是前因。逞爾蹶趨。終懼後劫。誰言天道之遠。須知人事之窮。日月亦有盈虧。寒暑無非代謝。強不終盛。弱豈長衰。巧不盡先。拙豈獨後。訓子孫以敦朴。勸生徒以篤醇。示鄉里以和平。待官長以敬慎。孝不廢於諍子。直每賴於

良朋。齒芬不足成材。銖兩何堪飽德。對貪鄙者以廉靜。視傾險者以冲恬。見忿躁而和顏。遇乖離而耐性。身有夙咎。何妨剖迹戒人。心無惡根。正可坦懷悟物。瓊宮鍊筆。非關受籙方言。桂館飛鸞。何止題名賢榜。天機偶洩。教化攸關。至聖至慈。大悲大願。不拒互鄉之子。猶成闕黨之童。誘本善循。憤當自發。尙聞風於千載。速承命於九天。廣來同學之朋。暢示正心之諦。來而往。往而復。教固無言。一而再。再而三。辨非得已。鶯湖不會。誰講義利之章。鹿洞云遙。空示彝倫之訓。狂瀾欲障。缺月還圓。信

若劃沙。悟應點石。從此共體鈞陶之化。早抒樂告之誠。勿復畏謗避迷。潛踪匿影。致干冥罰。空負慈恩。不勝懇款。盼望之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水官紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

事天品第九

職爲弟子等衆。擴充志力。仰答神功。竊念太極初分。資混元於一炁。至誠能盡。推參贊於三才。幽明之幾。死生之說。不經閱歷。誰廸沉疑。始何所來。終何所去。養剛大而塞宇宙。致中和而泯色聲。直參究竟之宗。自底高明之域。試看貞夫烈婦。氣動風雷。猛帥孤臣。威臨河嶽。炳精靈於既歿。發潛德之未揚。何況理學名賢。經時哲輔。道留天壤。勳在君民。雲漢昭回。盡是光華之揭。天閭曉

關無非宣化之司。豈如生託蓮花。虛存幻語。遊從松子。終屬浮談。坐破蒲團。飛昇丹壑。雖傳其訣。難遇其人。迹苟涉於異端。事不道於儒者。易曰。殷薦。詩曰。昭道。自前知誠。不可掩。惟形色之間雜。至血氣之沉埋。智蠢交乘。榮枯迭換。浮生皆夢。灑氣潛磨。槐鼎官階。不書仙籙。玉樓詞賦。浪說才人。興言至斯。可哀也已。至若天階既入。幾度勤修道。果初成。偶然落障。瑤臺重謫。鶴詔難聞。塵骨再迷。鈞天已遠。所以諸神。森立列聖。監臨堅秉。天條精叅宗旨。直生妄死。陰伏陽升。自然之機。必至之數。

今幸來承帝命。洞晰天心。各向蒼穹。共伸丹悃。循階歷級。入室登堂。永拔塵根。終皈峻宇。廣寒宮闕。璀璨瓊書。太乙祠壇。鏗鏘玉珮。春秋絕筆。猶炳雲中。濂洛清風。還流天上。親承警咳。永炙光輝。庶幾神不隨形。弗等朝菌。零落。志能御氣。無勞意馬。紛馳證覺。後之圓通。補生前之欠缺。聽霓裳而月轉。隨羽節而星移。尙期天爵之修。永使民彝之迪。朝元有日。報德無涯。不勝踴躍歡忭之至。

志心敬禮

三清元始靈寶道德天尊

昊天金闕玉皇大天尊玄穹高上帝

承天效法后土皇地祇

日宮太陽皇君

月宮太陰元君

摩利支天大聖圓明道母天尊

紫微宸極勾陳上宮天皇大帝

萬星教主中天紫微北極大帝

南極長生大帝統天元聖天尊

尋聲赴感太乙救苦天尊青玄上帝

九天應元雷聲普化天尊

玉虛師相玄天上帝金闕化身蕩魔天尊

三元天地水宮紫微清虛洞陰帝君

東嶽天齊大帝威權自在天尊以上各一拜

九天開化梓潼元皇帝君更生永命天尊三拜

序意品第十

職爲弟子等衆。宣此天書。名曰心懺。目光閃爍。血淚淋漓。時在青陽。帝臨丹闕。金雞三唱。月影當軒。玉節再來。

日輪出谷。蕭臺天吏。冠珮如雲。雷部神軍。符書若燭。高
真過而稽首。法曹至而陳香。埽蕩睡魔。驅除翳障。肅清
靈室。震闢重關。七竅光明。三尸斬磔。瓊霄頒赦。芸館輸
誠。弟子等衆。念何善緣。聞茲聖教。傷心涕泣。觸目戰驚。
了萬劫因。從今日始。既來皈命。咸知降真。發露千愆。識
揜著之無益。幸邀三宥。思浩蕩之難名。沉錮鑿而德慧
開。機踰杖喝。欺情懲而善念擴。願如海涵。坐臥行持。盡
是生哀。生敬。戒慎恐懼。原從無臭。無聲。勸信化疑。務殫
異言法語。歸根復命。長能近聖。依賢。文成九章。理歸一

致。靈光燦若。次第井然。職備位桂宮。校書玉局。久參河
洛。願學程朱。暫下金門。急宣寶笈。嘉與來學。敬事先師。
祇因誦讀循名。文章干祿。視宮牆而越武。逐道釋而狂
談。何止五經之蠹魚。竝爲二氏之蝨賊。故敢質之天地。
貫以星辰。日月竝臨。神祇共鑒。孔子有知我其天之語。
孟子有修身以俟之言。纂述所聞。竊取其義。嗚呼。齋明
不動。卽是居敬之箴。與祭必親。何須臨疾之禱。若夫聖
號仍同天籙。格言必發心聲。所以攝下士之怠容。戒達
人之幻相。豈徒鼓鐘陳設。廟像莊嚴。聽步虛之詞。建祈

文帝金書 卷三十一
恩之醮也哉。倘職援儒入墨。託鬼迷人。亂無靈爽之憑。日冒天威之肅。巡界之神安在。斬妖之法何存。立顯神誅。大彰報應。或弟子等衆。但耳聞而口誦。終一暴而十寒。妄因休咎。瀆陳漫叩。仙靈唱和。甚至視迂爲腐。名正爲邪。潦倒危途。糾纏薄俗。年齡易盡。祿籍終勾。赫赫聲靈。難同媚寵之免。煌煌俎豆。勿貽鳴鼓之攻。敢布誓詞。共堅懺悔。不勝申復證盟之至。奉請三界伏魔大帝神威遠震天尊。赤心忠良斬妖護法王天君。城隍當境尊神。東廚司命尊神。同降靈壇。鑒察申奏。以聞。

文昌門下一切真官。仝職爲弟子等衆。皈身皈命。皈神。

九天開化梓潼元皇帝君更生永命天尊 三拜

<p>文帝全書 卷三 三</p>	<p>文帝全書 卷三 三</p>
--------------------------	--------------------------

